

LOU BRUSC

JOURNAU POUPULARI DE LITERATURO, D'ISTORI E DE SCIENCI
PAREISSÈNT TOUTEI LEI DIMENCHE

Depausitari majourau pèr Marsiho : *A la Librairie des Bons Feuilletons*, 50, carriero de la Darso 50

Abounamen :
SET franc pèr an pèr touto la França.
Fouero França, lou port en subre, ço
que revèn à **DES** fr.

Tout ço que toco lou journau dèu
èstre manda afranqui à l'Empremarié
Prouvençalo, 45, carrièro dôu Grand-
Relôgi, à-z-Ais.

Les annonces, réclames et faits di-
vers sont reçus exclusivement à la
Société Anonyme de publicité, 52 rue
d'Aboukir, fermière de la publicité.

TAULETO

PASSO-TÈMS. — Lou marca deis ôulivo — *J. B. G.*
POUSSIO. — Prouvençalo e Parpaïoun biu — *E. Jouveau.* — Pantai — *Deville.* — Lou Pourto-
aigo — *Marius Bourrelly.*
REMEMBRANÇO. — Dôu 5 au 10 de desembre
CRONICO. — Lei reviraire de *Mirêio.*
L'abounde dei matèri nous fa remanda leis au-
trei rode abituau.

PASSO-TÈMS

LOU MARCA DEIS OULIVO

Vous imaginarès bessai que lou marca deis ôulivo es un endré mounte se vènde, uno espèci de *Bourso* ounte se trato lou près d'aquelo frucho sabourouso ? Acò dèuriè èstre, mai noun es. Segound leis us dôu negòci, lou draïdu touers estènt lou pu court d'un pount à-n-un autre, lou marca deis ôulivo es un relarg ounte chacun vòu semoundre o croumpa d'ôulivo, e tout lou mounde fa semblan de noun va vouguè.

A-z-Ais, lou marca deis ôulivo se tèn sus la plaço dôu Palais, davans la grandò eisino de la chicano. Noun poudiè mies èstre emplaça. Aquí, l'i a un burèu de taba eme dous cafetoun qu'an lou premiè gasan de l'encavo. A l'ouro d'uei, coumo se fa rèn sènsò buvachèro e sènsò fum, se tubo à bel eime e se baigno pas man l'enche, pèr tua lou tèms perdu o noun perdu à juga au pus

fin, entre vendaire e croumpaire à qu se rous-
tiriè lou mies.

Adounc, un bèu o laid dimenche de novèm-
bre, s'acampo un verminiè de gènt subre la plaço
dôu Palais. Lei blodo e lei capèu a chavano fan lou
mai de moulounet. Lei capèu meloun, lei ves-
toun e lei paletot noun agantarien lei joio, se lou
pu gros mouloun tiravo. Lei garri de vilo eme
lei garri de champ se mesclon, aquito, dins uno
barjeilado oumenenco, ounte mai d'un catas s'es-
couendé, per mies rouïga lou pelagi dei rato e dei
ratun.

Aquel acamp es lou marca deis ôulivo. Se li
va, se li vèn, se li viro, se li touerno, se li re-
touerno, se li entouerno, se l mou de tout biaïis,
se li charro, se li barjo, se li barjaco, se li pièuto,
e se li repleïento à bel eime. Se parlo pèr rèn dire
o se dis rèn per parla. Lei barjadisso, lei charra-
disso soun que d'agantadisso. Fau saupre durbi
o barra à prepaus sei tabro, noun ausi ço que se
dis, ausi ço que noun se dis.

Tau vous trais à dià que fau lou segui à iròu.
L'ôulivo es uno pichouno frucho redouno. Fa que
boulega e barroula ; la viron coumo vouelon. Es
boueno o marrido, embrutido o courouso, agra-
divo o mauplasènto segound que lei jarrarie soun
pleno o que lei moulin an besoun de vira. Se-
gound que se semounde o se demando, lachon
la man o sarron la pougno lei gros o lei pichouns
ôulivie dôu marca.

Aquest an, li a fouèço ôulivo, è fouèço ôulivo an
lou verme. Lei jarro soun luen d'estre vejo, e li
enca de grossei pousi to dins lei país ounte
aboundo la frucho que trais l'oli. Lei branco deis